

Binti aña pasa Aruba a crea un centro di ciudad fenomenal

Comerciantenan mes a laga Caya Grandi degenera

***Negoshinan pafor di ciudad lo worde seriamente afecta**

ORANJESTAD(AAN)— Net 20 aña pasa, Gobierno cu no tabata tin e entrada cu Aruba tin awe, a cambia imagen di Caya Grandi. Caya di Baki el a worde yama, debi na e matanan cu a planta y durante e promer añanan mester tabata den baki. Comerciantenan manera Shea Lichtenstein a percura pa crea un plaza sumamente atractivo. Aruba por tabata orguyoso di su Caya Grandi, cu no a worde manteni. Si awe Caya Grandi ta loke e ta, ta pasobra a neglighe y como culminacion Gobierno a pone e shelter di adictonan den vecindario. Awor pa restora loke a dañá mester regala Caya Grandi na un grupo? Pakico comerciantenan no por cera cabez y yega hunto cu Gobierno manera 20 aña pasa na restoracion di Caya Grandi y mester di tanto privilegio?

For di tempo cu Rudy Croes a anuncia su plannan pa Playa, DIARIO tabata en espera di e momento cu e plan lo worde presenta. Awor e plan ta ariba mesa y Aruba por tuma nota cu pa restora Caya Grandi, un grupo kier bira legalmente e representante legal di e caya, cu lo duna nan tur beneficio. Nan lo haya tur permiso y con esnan cu mester di

permiso ta haci uso di e permiso general, ta algo cu mester mira ainda.

E motibo pa cual awor mester bini cu un compania, cu ta bay haya cantidad di privilegio y hasta bira e representante legal di e caya, ta loke ta tene hopi mente ocupa.

Na tur parti di mundo, negoshinan ta percura pa nan mes y na Aruba esnan cu tin establecimiento pafor di Caya Grandi ta puntra nan mes, kico lo pasa cu nan.

Pa cierto privilegiadonan cu ta keda cerca di hotelnan, a cambia horarionan di trabao.

Awor pa otro grupo privilegia ta tuma e decision pa entrega nan henter e caya pa nan por dreche, mientras comerciantenan na tur otro parti di Aruba no tin e privilegio aki.

Esey ta haci cu hopi negoshi pafor di centro di ciudad lo ta

den problema, mientras Caya Grandi lo bira un caya especial den tur sentido pasobra nan tin tur areglo cu otro companianan na Aruba no

tin.

Un comerciante a muestra DIARIO cu awor instancianan manera Camara di Comercio mester expresa

nan mes pasobra no ta husto cu Gobierno ta privilegia un grupo atrobe y asina afecta otronan cu ta traha duro pa tene nan negoshi ariba pia.

Alarma bati ayeranochi no tabata oficial

Lama lo keda bruto awe, segun pronostico di tempo

ORANJESTAD (AAN)— Manera DIARIO a trece dilanti ayera, temporada di horcan ta produci un ola tropical tras di otro pa Aruba.

Den tur caso ta worde papia di e chens cu tin ariba situacionnan cu por presenta of laga di presenta.

Siguiendo e tempo di ayera por a nota cu pa Noord y pa Zuid di Aruba tabata tin nubianan cu ta produci awacero pisa cu strena y

lamper ta pasa den horanan di merdia. E momento cu e ola tropical a alcanza Aruba no tabata esun mas favorable.


Aruba a haya si hopi biento, mientras nubianan cu a ocasiona e biento a keda na un distancia. Straño ta cu ora solo tabata baha y nubianan di capa, cu no ta produci yobida tabata na parti pariba, alarma a worde bati pa tur hende saca nan boto for di lama y piscadornan drenta promer cu e "tempo alcanza

Aruba."

E tempo ya a pasa Aruba na e momento. Sinembargo ta keda un chens pa algun yobida, especialmente madrugada y mainta awe mientras mester tene cuenta cu lama ta keda bruto cu olanan di entre 1 pa 2.5 meter halto.

Ariba Oceano Atlantico tin varios sistema tropical, pero ningun te ainda ta duna muestra di lo organiza den un sistema mas pisa.

CAPITAN DI AWA DUSHI!!



**BEST
DEAL**

Tel: 5827100

(Pariba di Aruba Bank, Paradera)

Laundry Softener

Snuggle 3 pa Afl. 10,=

Airfreshner

4 pa Afl. 10,=



Suavitel

3 pa

Afl. 10,=

Prijs mas abou no tin.
BEST DEAL Paradera.